



# Kaarka Caafimaadka iyo Uurka

Medical Assistance and Pregnancy

## Waa maxay Kaarka Caafimaadka (MA) iyo Kaarka (MA) ee ay Maal-geliso CHIP?

Kaarka Caafimaadku ee (MA) waa barnaamijka (Medicaid) ka ee Minnesota ee la siiyo dadka danyarta ah. Kaarka (MA) waxa uu siiyaa daryeelo caafimaad oo lacag la'aan ah ilmaha iyo qoysaska, **haweenka uurka** leh, dadka waaweyn ee ilmaha aan lahayn, waayeelka, iyo dadka indhaha la' ama naafadda ah.

**Kaarka (MA) ee ay maal-geliso CHIP** waxaa heli kara **haweenka uurka** ee aan heli karin kaarka (MA) ee caadiga ah sababta oo ah waxa aysan ku lahayn wadanka sharci, ama kaliya waxa ay leeyihii sharci (immigration) ku meelgaar ah ama ma aha muwaadiniin.

### Isbedelada Gelida Kaarka

Gelida kaarka (MA) waxa ay bilaabmi kartaa marka ugu horeeysa ee aad is tiraahdid uur baad leedahay. Ka hor Luulyo 2022, gelida kaarka caafimaadka ee ku salaysan uurku waxa uu sii socon jirtay 60 cisho ka dib kolka uurku uu dhamaado. Laakiin isbedel la sameeyey bisha Luulyo 2022 ayaa waxa uu ka dhigay ku jirida kaarku inuu sii socdo muddo **12-bilood** ah ka dib uurka. Waqtiga ka dambeeya kolka uurku uu dhamaado waxaa la yiraa mudadda dhalmada ka dambaysa.



**Ogow: Mudadda dhalmada ka dib ah** waxa ay bilaabantaa maalinka uurka uu **dhamaado**. Ma quseeyso in dhalmo ay jirto iyo in kale.

### Ma heli karaa kaarka (MA)?

Haddii aad uur leedahay ama aad ku jirto mudadda dhalmada ka dambaysa, waxaa dhici karta inaad xaq u leedahay kaarka (MA).

Waxa aad u baahan tahay:

- inaad uur leedahay ama aad ku jirto mudadda 12-blood ah ee dhalmada ka dambaysa.
- aad ka soo baxdo shuruudo kale oo kaarka (MA) uu leedahay, sidda heerarka dakhliga iyo sharciga/muwaadinimadda.

Waxaa ku jirta [Akhbaar kale oo ku saabsan xaq u yeeladka](#) "MN Health Care Programs Eligibility Policy Manual" (Buuga Yar ee Nidaamka Xaq u Yeeladka ee Barnaamijyada Caafimaad ee MN) ee ku jira Shabakada (website) Waaxda Adeega Bulshada (DHS) ee: <https://mn.gov/dhs>. (ingiriisi kaliya)

Haddii kaarka (MA) aad *xaq ugu yeelato uur awgii*, waxa aad ku jiri kaarka bisha ilmahu calool galoo ilaa iyo dhamaadka mudadda 12-biloodka ah ee dhalmada ka dambaysa. Wax saameynana kuma leh arrintani hadii ay wax iska bedelaan dakhliga, baaxada qoyska ama shuruudaha cusboonaysiinta.

## **Ma heli karaa kaarka (MA) haddii aanan si sharci ah ku joogin halkan?**

Haddii aad uur leedahay aadana sharci wadanka ku lahayn, waxaa dhici karta inaad hesho kaarka (MA) ee ay maal-geliso CHIP ama Kaar Caafimaad oo Degdeg ah (EMA). Haddii aad codsato ama jaa aad haysato kaarka (MA) ee ay maal-geliso CHIP ee haweenka uurka leh ama kaarka (EMA), khasab kuguma aha inaad bixiso lambar Sooshal Sakuurti (Social Security) ama aad sheegto sharcigaaga. Eeg warqada xogta aruursan ee ku saabsan [Daryeelka Caafimaadka Degdegga ah \(EMA\)](#).

Waxa dhici karta inaad xaq u yeelato kaarka (MA) ah oo ay meel-geliso CHIP haddii:

- sharci aadan lahayn ama aad tahay qof aan muwaadin ahayn oo aan heli karin (MA),
- dakhligaagu uu yahay \$4,241 ama uu ka yar yahay bishii. Tani waxa ay ka hadli qoyska 2 da ah (adiga iyo uur-jiifkaagu = 2). [Xadka dakhligaaga](#) kor ayuu aadi haddii ay jiraan dadka kale oo qoyskaaga ah.
- aadan ku jirin kaar kale oo daryeel caafimaad ah, iyo
- aad tahay qof degan Minnesota

Waxaa ku jirta [Akhbaar kale oo ku saabsan xaq u yeeladka](#) “MN Health Care Programs Eligibility Policy Manual” (Buuga Yar ee Nidaamka Xaq u Yeeladka ee Barnaamijyada Caafimaad ee MN) ee ku jira Shabakada (website) Waaxda Adeega Bulshada (DHS) ee: <https://mn.gov/dhs>. (ingiriisi kaliya)

Haddii kaarka (MA) aad *xaq ugu yeelato uur awgii*, waxa aad ku jiri bisha ilmahu calool galo ilaa iyo dhamaadka mudadda 12-biloodka ah ee dhalmada ka dambaysa. Wax saameynana kuma leh arrintani hadii ay wax iska bedelaan dakhliga, baaxada qoyska ama shuruudaha cusboonaysiinta.

## **Siddee ayaan u dalbadaa?**

Haddii aad uur leedahay, ama aad u malaynayo inaad uur leedahay ka codsato kaarka (MA) halkan [www.MNSure.org](http://www.MNSure.org). haddii aadan heli karin kaarka (MA) ee caadiga ah sababta oo ah sharci (immigration) la'aan awgii, waydii xafiiska dhaqtarkaaga la shaqeynta hage lacag la'aan ah ama qofka kale oo la aaminsan yahay si aad u dalbato.

Waxaad kaloo ka dalban kartaa xafiiska cayrta ee degamadaadda.

## **Ka waran haddii aan jaa leeyahay kaarka (MA) ama aan ku helay habkii hore?**

Haddii aad ku helaysay kaar (MA) ah ama kaar (MA) ah oo ay maal-gelisay CHIP uur awgii, waxaad toos ugu jiri kaarkaa muddo 12-bilood ah ka dib kolka uurku uu dhamaado. Inaad waxba adigu sameysid ma aha.

Haddii aad ku helaysay kaar (MA) ah ama kaar (MA) ah oo ay maal-gelisay CHIP uur awgii mudadii u dhaxeeyey Luulyo, 2021 iyo Juun 30, 2022, waxa aad heli kartaa kaar ku jirid bilo siyaado ah sidda uu dhigayo sharciga cusubi.



Waaxda Adeegyadda Bulshaddu [Department of Human Services (DHS)] waxa ay u dirtay ogaysiisyo ku saabsan sharciga cusub cid walba oo ku hesha kaarka (MA) uur awgii. Waxaa kaloo la socda ogaysiiska foom ay tahay inaad ku soo celiso hay'ada degmadaada haddii aad u baahan tahay inaad kaarka kuu sii jirto bilaha harsan.

Haddii aadan helin ogaysiiska ama aad qabto su'aalo, la soo xiriir xafiiska adeegyada dhanka sharciyada ee deegaankaaga. Waxa aad ka heli kartaa adeegyada ka jira deegaankaaga shabakada ah [www.lawhelpmn.org/so/providers-and-clinics](http://www.lawhelpmn.org/so/providers-and-clinics)


### Ciddee ku jirta Kaarka?

Kaarka (MA) iyo (MA) ay maal-geliso CHIP ku waxa ay fidiyaan ku jirid noocyoo badan oo daryeelo (MA) ah. Ku jirida kaararku kuma koobna kaliya daryeelada la xiriira uurka uun. Xilliga uurka iyo mudadda 12-bilood ah ee dhalmada ka dambeysa, waxa aad ku jirtaa oo lagaa bixin waxyaabaha sida:

- Booqashooyinka dhaqtarka iyo rugaha caafimaadka
- Cisbitaalada iyo adeegyada daryeelka Haweenka ee (OB/GYN)
- Daryeelada ilkaha ah
- Caafimaadka madaxa ah iyo adeegyo wax ka qabadka isticmaalka mukhaadaraadka ah
- Dawooyinka
- Qalabka Caafimaadka – sidda mashiinka caanaha la isa galiso iyo qalabka cabirka dhiig-karka

Ka eeg bogga [Soo koobidda Caymiska, kharashka la Wadaago iyo Soohdimaha](#) wixii akhbaar ah ee ku saabsan liiska adeegyada la bixiyo kharashkooda. Gal shabakada <https://mn.gov/dhs>.

- Riix *eDocs document library* ee ku taal dhinaca kore ee midig ee bogga
- Geli 3860 santuukha baarida
- Riix “Somali - Af Soomaali” iyo Riix “Search”



### Manfacyada Kale

Haddii aad xaq u leedahay kaarka (MA) maalinta aad dhasho, ilmahaaga waxaa loo tixgelin waxa la yiraa “dhalashada cusub.” Taa macnaheedu waa ilmahaagu durbadiiba waxa uu xaq u yeelan kaarka (MA) 1 sanno. Dhalashooyinka cusubi ma aha inay ka soo baxaan wax shuruudaha kaarka (MA) ga ah marka laga reebo in Minnesota la degan yahay. Waxa ay xaq u yeelan ilaa aakhirka bisha sannad-guuradooda **dhalashada ee koowaad**.

Waxaa ku jirta [Akhbaar kale oo ku saabsan xaq u yeeladka Ilmaha Markaa Dhashay](#) “MN Health Care Programs Eligibility Policy Manual” (*Buuga Yar ee Nidaamka Xaq u Yeeladka ee Barnaamijiyada Caafimaad ee MN*) ee ku jira Shabakada (website) Waaxda Adeega Bulshada (DHS) ee:  
<https://mn.gov/dhs>. (ingiriisi kaliya)

*Xog Urursan oo ku saabsan macluumaadka sharciga MA AHA talo xagga sharciga. La tasho qareen. Ha isticmaalaan xogtan urursan haddi ay 1 sano ka soo wareegtay xilligii la daabacay. Weydiiso xogtii ugu dambeysay, liiska xogta urursan, ama aad ku hesho habab kale.*

© 2022 Minnesota Legal Services Coalition. Qoraalkan waa la sii badin karaa waxaana loo adeegsan karaa oo kaliya hab shaqsi ah iyo waxbarasho kaliya. Xuquuqda kale waa mid la dhawray. Ogeysiiskan waa inuu la socdaa nuql kasta oo la sii daabaco. Dib u daabicidda, sii qeybinta, iyo in loo isticmaalo hab ganaci si aad waa mid si adag loo mamnuucay.